

Banjaluka, 28.12.2018.

**ORGANIZACIJE CIVILNOG DRUŠTVA TRAŽE HITAN SASTANAK SA OMBUDSMANOM ZBOG
PRIJAVA NA POLICIJSKU TORTURU**

Nakon što je šest organizacija civilnog društva uputilo nekoliko dopisa Instituciji ombudsmana za ljudska prava BiH u kojima traže da službenici ove institucije posjete sva lica koja je MUP RS priveo ili pritvorio u vezi sa okupljanjima od 25. decembra 2018., **danas u 14.00 časova** će i lično, u **Ulici akademika Jovana Surutke 13**, Ombudsmanu uručiti ove zahtjeve.

Organizacije civilnog društva traže da Ombudsman BiH iskoristi svoje nadležnosti i ovlaštenja i ispita navode koji se pojavili u medijima prema kojima je, prilikom privođenja i hapšenja pojedinih građana i građanki, došlo do upotrebe prekomjerne i nedozvoljene sile policijskih službenika, ali i torture i ponižavajućeg tretmana u službenim prostorijama policije.

Organizacije takođe traže da Ombudsman i u narednim danima nastavi izbliza pratiti aktivnosti MUP-a RS prema članovima grupe Pravda za Davida i svim drugim građanima koji su se odlučili na mirno okupljanje i izražavanje svog mišljenja u vezi sa ovim slučajem. Predlažu da pri posjetama pritvorenim osobama budu prisutni, u duhu demokratske prakse, i predstavnici organizacija civilnog društva koje su posvećene zaštiti ljudskih prava i sloboda.

Organizacije još jednom podsjećaju da je BiH ratifikovala Konvenciju protiv torture i drugih surovih, neljudskih ili ponižavajućih postupaka ili kažnjavanja kojim je na sebe preuzela niz obaveza u vezi sa prevencijom ovakvih postupanja, te u tom smislu smatramo naročito bitnim uspostavu monitoring aktivnosti Institucije Ombudsmana u narednom periodu u cilju zaštite građana koji izražavaju svoj javnih protest i nezadovoljstvo radom organa gonjenja u predmetu David Dragičević. Podsjećaju i da su spontana okupljanja građana međunarodni standard, te da se ovakvim postupanjem pripadnika MUP-a RS ugrožavaju prava na slobodu okupljanja i izražavanja.

Organizacije potpisnice:

Transparency International BiH

Helsinški parlament građana Banjaluka

Centar za životnu sredinu

Udruženje građana Oštra nula

Perpetuum mobile

Centar za mlade KVART

Udruženje za borbu protiv korupcije Transparency International u BiH
Reg. No. UP08-07-1-616/11, Ministarstvo pravde BiH, Sarajevo

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520
Poslovnica: Mula Mustafe Bašeskije 9/1, 71000 Sarajevo, Tel +387 33 220 049, Fax +387 33 220 047
E-mail: info@ti-bih.org
Web: www.ti-bih.org